

Nd. **275. Frumvarp til laga** [152. mál]

um laun forseta Íslands.

(Lagt fyrir Alþingi á 84. löggjafarþingi, 1963--64.)

1. gr.

Forseti Íslands hefur að launum kr. 35 000.00 á mánuði.

2. gr.

Forseti hefur ókeypis bústað, ljós og hita og er undanþeginn öllum opinberum gjöldum og sköttum.

3. gr.

Allan útlagðan kostnað forseta vegna rekstrar embættisins ber að greiða úr ríkissjóði sérstaklega.

4. gr.

Þeir, er fara með forsetavald um stundarsakir, sbr. 8. gr. stjórnarskrárinnar, skulu samanlagt, meðan þeir gegna starfanum, njóta jafnra launa, miðað við mánaðarstarfstíma, og mánaðarlaun forsetans eru. Skulu launin skiptast að jöfnu milli þeirra. Auk þess skulu þeir fá greiddan útlagðan kostnað vegna starfans.

5. gr.

Lög þessa öðlast þegar gildi.

Frá 1. júlí 1963 fer um laun forseta Íslands eftir ákvæðum þessara laga. Jafnframt eru úr gildi felld lög nr. 37 17. júní 1944 og lög nr. 94 15. desember 1952, um breyting á þeim lögum.

Athugasemdir við lagafrumvarp þetta.

Í lögum nr. 94 15. desember 1952 voru forseta Íslands ákveðin 85 000.00 króna grunnlaun á ári auk verðlagsuppbótar. Með þeim hækkunum, sem síðan hafa orðið, eru mánaðarlaun forsetans nú kr. 19 967.00.

Á s. l. sumri ákvað Kjaradómur ný launakjör til handa opinberum starfsmönnum. Með hliðsjón af ákvörðun Kjaradóms þykir rétt að leggja til, að laun forseta Íslands verði ákveðin eins og gert er í 1. gr. þessa frumvarps.

Að öðru leyti en því, er varðar launafjárhæðina, er frv. þetta efnislega óbreytt frá gildandi lögum.